



Ulloq: 13. februaari 2026
Allaffik: Nordatlantkontoret
Sulia.sul.: Karen Fowler Lund
Suliap normua: 2025-04696
Takussutissiaq: 3970586

**Kalaallit Nunaanni pinerluttulerinermi inatsisip aamma Kalaallit
Nunaanni eqqartuussisarnermik inatsisip allanngortinneqarneri
pillugit inatsisissatut siunnersuut** (Pisortani sulisunut
kissaatigineqanngitsumik, innarliisumik nikanarsaasumillu
pissusilersornerup pinerluutinngortinneqarnera, inuit atorerlunneqarnerisa
pinerluutinngortinneqarnerat, kinguaassiuutinut tunngasumik atortussat
innarliissutaasut akiorniarlugit suliniutit patajaallisarneqarnerat,
pineqaatissiinerup aalajangersarneqarnerani pissutsit
sukannerulerulersitsisut, toqutsisutut eqqartuussaasimasut
immikkoortortaarfimmi matoqqasumi pineqaatissinneqarnermik
naammassineqarnissaannut inissinneqartarnerat il.il.)
pillugu tusarniaaneq pillugu allakkiaq

Ujarliutit

1. Tusarniaaneq	2
1.1 Tusarniaanermut piffissaliussaq	2
1.2 Oqartussaasut suliniaqatigiiffiillu tusarniaavigineqartut.....	2
2. Tusarniaanermi akissutit	5
2.2. Inatsisissatut siunnersuummi immikkoortunut ataasiakkaanut oqaaseqaatit	5
3. Inatsisissatut missingiummut naleqqiullugu inatsisissatut siunnersuut .	12



1. Tusarniaaneq

1.1 Tusarniaanermut piffissaliussaq

Kalaallit Nunaanni pinerluttulerinermi inatsisip aamma Kalaallit Nunaanni eqqartuussisarnermik inatsisip allanngortinneqarneri pillugit inatsisissatut siunnersuut (Pisortani sulisunut kissaatigineqanngitsumik, innarliisumik nikanarsaasumillu pissusilersornerup pinerluutinngortinneqarnera, inuit atonerlunneqarnerisa pinerluutinngortinneqarnerat, kinguaassiuutinut tunngasumik atortussat innarliissutaasut akiorniarlugit suliniutit patajaallisarneqarnerat, pineqaatissiinerup aalajangersarneqarnerani pissutsit sukannernerulersitsisut, toqutsisutut eqqartuussaasimasut immikkoortorta qarfimmi matoqqasumi pineqaatissinneqarnermik naammassineqarnissaannut inissinneqartarnerat il.il.) missingiut piffissami 2025-imi 22. decemberimiit 2026-imi 19. januarimut oqartussaasunut suleqatigiiffinnullu il.il. arlalinnut nassiullugu tusarniutigineqarsimavoq.

Inatsisissatut siunnersuummut missingiut aammattaaq Folketing-ip Grønlandsudvalg-ianut aamma Folketing-ip Retsudvalg-ianut ulloq 22. december 2025 ilisimatitsissutitut nassiunneqarpoq.

Tamatuma saniatigut inatsisissatut siunnersuummut missingiut Tusarniaanermut quppersakkami ulloq 22. december 2025 tamanut saqqummiunneqarpoq.

1.2 Oqartussaasut suliniaqatigiiffiillu tusarniaavigineqartut

Oqartussat suleqatigiiffiillu il.il. tusarniaavigineqartut pillugit ataani alfabeti malillugu nalunaarsuutit ataani takuneqarsinnaapput.

Tusarniaavigineqartunut ataasiakkaanut tusarniaanermut akissut tiguneqarsimanersoq, aamma tusarniaavigineqartoq taamaattoqarsimappat inatsisissatut siunnersuutip missingiutaanut oqaaseqaateqarsimanersoq krydsiligassami taaneqarput.

Tamatuma saniatigut soqutiginnitsit, oqartussaasut suleqatigiiffiillu il.il. tusarniaavigineqartut akornanniinngitsut, kisianni namminneerlutik inatsisissatut siunnersuutip missingiutaanut oqaaseqaateqarsimasut,

nalunaarsuutini ilaatinneqarput. Soqutiginnitsit taamaattut nalunaarsuutini
*-imik malunnaatilerneqarput.

Tusarniaavigineqartoq	Tusarniaanermut akissut tiguneqarsimavoq	Oqaaseqaatit	Oqaaseqaa- teqanngilaq
Advokatrådet			
Amnesty International			
Avannaata Kommunia			
Barnets Tarv Nu			
Børnesagens Fællesråd			
Bryd Tavsheden			
Børns Vilkår			
Dansk IT			
Dansk Socialrådgiverforening			
Danske Advokater			
Danske Handicaporganisationer			
Danske Regioner	X		X
Datatilsynet			
Den Danske Dommerforening	X		X
Politiit pillugit Naammagittaalliuuteqartarfik Arlaannaannulluunniit Attuumassuteqanngitsoq	X		X
Kalaallit Illuutaat	X		X
Det Kriminalpræventive Råd			
Digitalt Ansvar			
Dommerfuldmægtigforeningen			
Domstolsstyrelsen	X		X
Everyday Sexism Project Danmark			
Foreningen af Advokater og Advokatfuldmægtige			
Foreningen af Offentlige Anklagere			
Foreningen af Statsadvokater			
Kalaallit Nunaanni Illersuisut			
Fængselsforbundet	X		X
Nunatsinni Advokatit			

Nunatta Eqqartuussisuuneqarfia	X		X
Grønlands Politiforening			
Inuit Pisinnaatitaaffii Pillugit Siunnersuisoqatigiit (IPPS)	X	X	
Kalaallit Nunaanni Innarluutillit Peqatigiiffiat (KNIP)			
Inuit innarluutillit illersuisoqarfia Tilioq *	X		X
Inuttut Pisinnaatitaaffinnut Institutti			
Justitia			
Kommune Qeqertalik			
Kommuneqarfik Sermersooq	X	X	
Kommune Kujalleq			
Kommunernes Landsforening			
Eqqartuussisut peqatigiiffiat			
Kriminalforsorgsforeningen			
Kriminalpolitisk Forening (KRIM)			
Landsforeningen af Forsvarsadvokater			
Landsforeningen SIND			
Nunatta Illersuisuunera			
Kalaallit Nunaanni Naligiissitaanis- samut Siunnersuisoqatigiit			
Lægeforeningen			
MIO (Nunatta meeqqat pisinnaatitaaffiinnut sullissivia) *	X	X	
Nunatsinni Advokatit			
Nunatsinni Inuit Innarluutillit Kattuffiat			
PiSiu (Kalaallit Nunaanni Pinerlutsaaliuinnermut Siunnersuisoqatigiit)	X		X
Politiforbundet i Danmark	X		X

Psykiatrifonden			
Retspolitisk Forening			
Nunatsinni Eqqartuussivik			
Sipineq+			
Qeqqata Kommunia			

2. Tusarniaanermi akissutit

Inatsisissatut siunnersuummut missingiut pillugu tusarniaanermi akissutit tiguneqarsimasut immikkoortui pingaarnerit ataani assilillugit allanneqarput.

Inatsiseqarnermut ministereqarfiup tusarniaanermi akissutitut oqaaseqaatai, matumani tusarniaanermi akissutitut atatillugu allannguutit suliaqartoqarsimanersoq ilanngullugu, uingasumik allannikuupput.

Imm. 3-p ataani missiniummut tamanut tusarniutigineqarsimasumut tunngatillugu, allannguutit suut suliarineqarsimanersut eqikkarneqarpoq. Tassani allannguutit, tusarniaanermi akissutit tunngaveqanngitsut, kisianni Inatsiseqarnermut ministereqarfiup nammeneq kissaatigisimasai, aamma taaneqarput.

2.1. Inatsisissatut siunnersuummut nalinginnaasumik oqaaseqaatit

Inatsisissatut siunnersuummut nalinginnaasumik oqaaseqaatinik Inatsiseqarnermut ministereqarfik tigusaqarsimanngilaq.

2.2. Inatsisissatut siunnersuummi immikkoortunut ataasiakkaanut oqaaseqaatit

2.2.1. Pisortani sulisunut kissaatigineqanngitsumik, innarliisumik nikanarsaasumillu pissusilersornerup pinerluutinngortinneqarnera

Pisortani sulisunut kissaatigineqanngitsumik, innarliisumik nikanarsaasumillu pissusilersornerup pinerluutinngortinneqarnera pillugu § 37 a-mi aalajangersagassatut siunnersuut pillugu, inatsisimmi »kissaatigineqanngitsumik, innarliisumik nikanarsaasumillu pissusilersorneq«-nik, attaveqaatsit digitaliusut atorlugit takkussinnaasut

pillugit, erseqqinnerusumik nassuiaasoqarnissaa kissaatiginassasoq, **Kommuneqarfik Sermersuup** (Teknikkeqarnermut Avatangiisinullu Ingerlatsivik) taasimavaa. Elektroniskiusumik attaveqaqatigiinneq ullumikkut sumiluunniit qitiusumik ilaammat aamma ajornanngitsumik pisortani sulisunut kissaatigineqanngitsumik, innarliisumik nikanarsaasumillu pissusilersornermut atorneqarsinnaammat, tassunga atatillugu maluginiarneqarpoq.

Oqaaseq »kissaatigineqanngitsumik, innarliisumik nikanarsaasumillu pissusilersorneq« atituumik paasineqassasoq aamma iliuutsinik suugaluartunik tamanik imaqarsinnaasoq, matumani timikkut iliuuseqarneq aamma attaveqaqatigiinnerit assigiinngitsunik ilusillit ilanngullugit, inatsisissatut siunnersuummut nalinginnaasumik oqaaseqaatini imm. 2.1.2-mi takuneqarsinnaasoq, Inatsiseqarnermut ministereqarfiup maluginiarpaa. Assersuutigalugu inummik illersugaasumik ataqatigiinnerni namminerisamik ilaaffigineqartuni videomik immiussineq imaluunniit assiliineq imaluunniit ingerlatitseqqinneq, matumani namminerisamik inuttut paasissutissat pillugit tamanut saqqummiussineq il.il., pineqarsinnaapput.

Aalajangersakkap qitiusumik atuuffissaa tassaassasoq, pisut, taakkunani suliami paasissutissat aallaavigalugit, assersuutigalugu sumiiffik aamma piffissaq kiisalu saaffiginninnerit il.il. imarisai, iliuuseqartup pineqartoq kissaatigineqanngitsumik, innarliisumik nikanarsaasumillu pissusilersorfigigaa qularineqarsinnaanani, aammattaaq imm. 2.1.2-mi takuneqarsinnaavoq.

Internetimi nittartakkamik, imaluunniit inoqatinut attaveqaatini quppernermik pilersitsinermi imaluunniit ilanngussineq pineqartillugu, aalajangersagaq ingammik internetimi qinngarsuineranut quppernermik taaneqartartunut assigisaannulluunniit atorneqartussatut eqqarsaatigineqartoq, aalajangersakkamut (§ 1, nr. 2-mut) immikkut ittumik oqaaseqaatini aammattaaq maluginiarneqarpoq. Taakku imaqarnermikkut systematiskiunerusumik pineqartunut malersuinissaq, saqqummersitsinissaq imaluunniit innarliinissaq siunertaqarnerat, quppernerit taakku ilisarnaatigaat, assersuutigalugu namminerisamik inuk pillugu paasissutissanik tamanut saqqummiussinikkut, matumani namminerisamik assinik, namminerisamik oqarasuaatip normuanik imaluunniit namminerisamik najukkat sumiinnerinik, aamma taamaattoqassappat ataqatigiissillugit pineqartut nikanarsaarpasissumik

imaluunniit innarliisumik oqallisiginninnerit ilanngullugit. Kisianni taamaallaat assersuutigalugu pisortani sulisut suliaasaqartitaanerat pillugit oqaluttuareqqiinerit, assersuutigalugu atorfillip, allaffissornikkut aalajangiisimasup aqqa, imaluunniit paasissutissat tamanit tikinneqarsinnaasut kinaassusersiunngitsumik oqaluttuareqqinneqarnerat, assersuutigalugu oqarasuaatit normui tamanit tikinneqarsinnaasut, nalinginnaasumik aalajangersagassatut siunnersuutigineqartumi ilaatinneqarnaviannngillat.

Inoqatinut attaveqaatini imaluunniit allakkut internetimi ataasiartumik imaluunniit killilimmik allagarsiussat, taakkunani inummik imaluunniit inunnik arlalinnik systematiskiusumik aamma uteqqiattumik malersuineq il.il. pineqarani, aalajangersagassatut siunnersuutigineqartumi eqqissisimanissamik innarliinermi aallaaviatigut ilaatinneqarnaviannngillat. Taamaattoq pisuni immikkut ittuni ataasiartumik allagarsiussaq ima ingasatsigisinnaavoq, aalajangersakkami ilaatinneqassalluni. Allagarsiussaq taamatut ingasatsiginersoq, allagarsiussap imarisaata aamma qanoq issusaata kiisalu pissutsit assigiinngitsut allat piviusumik nalilersuiffigineqarnerannit tunngaveqartinneqassaaq. Taamaattoq allagarsiussaq pisuni tamani inuup illersorneqartup eqqissisimatinneqarnissaanik innarliinertut naleqquttuusinnaavoq, tassanilu ilaatigut allagarsiussap assersuutigalugu Facebookkimi piviusumik inummut illersugaasumut aamma sammitinneqarneratut isigineqarsinnaanera piumasaqaataassaaq.

Tamanna tunngavigalugu oqaaseqaatit allanngortitsinissamut pissutissaqartitsinngitsut, Inatsiseqarnermut ministereqarfiup nalilerpaa.

2.2.2. Atortussat kinguaassiuutinik erseqqissumik takutitsisut imaluunniit ukkatarinnittut uukapaatitsissutiliarineqarsimasut

Pinerluttulerinermi inatsimmi § 95 a, imm. 1-mi aamma 2-mi atortussat kinguaassiuutinik erseqqissumik takutitsisut imaluunniit ukkatarinnittut aamma ilaatinneqalernerat **MIO-p (Nunatta meeqqat pisinnaatitaaffiit sullissiviata aamma Meeqqat pillugit siunnersuisoqatigiit aamma Kalaallit Nunaanni meeqqat illersuisuata allattoqarfiata** naammagisimaarpaat. Kisianni inunnut 18-it inorlugit ukiulinnut atortussat kinguaassiuutinik erseqqissumik takutitsisut imaluunniit ukkatarinnittut sananeqarnissaannut akuersissuteqarsinnaaneq periarfissaasariaqanngitsoq, aamma ukiutigut angusassap killissarititaasup ukiunit 15-init

siunnersuutigineqartup ukiunut 185-inut taamaalilluni
allanngortittariaqartoq, MIO-p maluginiarpaa.

Taakkua inuttaritillugit atortussat kinguaassiuutinik erseqqissumik
takutitsisunik imaluunniit ukkatarinnittunik uukapaatitsissusiaralugit
sananeqartunut, assersuutigalugu deep-fake-pornonut,
akuersissuteqarnermi meeqqanut 15-iniit 17-inut ukiulinnut piffissami
sivikitsumi- aamma sivirusumi kingunerisassat paasissallugit
ajornakusoorsinnaasoq, tassunga atatillugu MIO-p tikkuarpaa.
Aammattaaq akuersissuteqarneq pinngitsaaliinikkut, isumapiloqarneq
tunngavigalugu tatiginnilersitsiniaanikkut, pineqartumit, atortussat
sananeqarnissaanik kissaateqartumit, pinngitsaaliilluni iliuseqartitsinikkut
imaluunniit uukapaatitsinikkut allatut iluseqartukkut
akuersissuteqartitsisoqarsinnaanera annertuumik aarlerinaateqartoq,
aammattaaq maluginiarneqarpoq.

*Inuk pisinnaatitaanani kinaassutsimik atornerluisutut
eqqartuunneqassasoq ima pisoqartillugu, 1) inuk alla pillugu
paasissutissanik atuisoq, matumani cpr-normu, ateq aamma asseq
ilanngullugit atuilluni pissuserinnerunngitsumik taannaasuusaartoq
imaluunniit 2) atortussanik ingerlatitseqqittoq, tassani inuk alla pillugu
paasissutissat atorneqarsimallutik, matumani cpr-normu, ateq aamma
asseq ilanngullugit atuilluni pissuserinnerunngitsumik inuup taassuma
pissusaa pillugu uukapaatitsiniarluni, taakkulu pinerluttulerineri
inatsimmi § 95 a-mi takuneqarsinnaasut, Inatsiseqarnermut
ministereqarfiup ilisimatitsissutigisinnaavaa.*

*§ 95 a, imm. 2-mi aalajangersagassatut siunnersuutigineqartoq § 95 a, imm.
1, nr. 2-mut atatillugu isigineqarneqassaaq, tassani oqaatsit »matumani
atortussat kinguaassiuutitigut erseqqissumik takutitsisut imaluunniit
ukkatarinnittut ilanngullugit« ilanngunneqarmata.*

*Tamatuma kingorna inuk kinaassutsimik atornerluisoq, pisinnaatitaanani
atortussanik ingerlatitseqqittoq, matumani atortussat kinguaassiuutitigut
erseqqissumik takutitsisut imaluunniit ukkatarinnittut ilanngullugit,
taakkunani inuk alla pillugu paasissutissanik, cpr-normunik,
pissuserinnerunngitsumik taannaasuusaarluni inuup taassuma pissusaa
pillugu uukapaatitsissutigalugit aternik aamma assinik atuneq, § 95 a,
imm. 1, nr. 2-mi takuneqarsinnaalissaaq.*

*Pisinnaatitaanani atortussanik kinguaassiuutitigut erseqqissumik
takutitsisunik imaluunniit ukkatarinnittunik sananeq, tassani inuk alla*

pillugu paasissutissanik atuisoqarsimalluni, matumani cpr-normunik, pissuserinnerunngitsumik taannaasuusaarluni inuup taassuma pissusaa pillugu uukapaatitsissutigalugit aternik aamma assinik atuneq, § 95 a, imm. 2-tut siunnersuutigineqartumi ilaatinneqassapput. Taamaalilluni aalajangersakkap atortussat kinguaassiuutinik erseqqissumik takutitsisut imaluunniit ukkatarinnittut uukapaatitsissutiliarineqarsimasut, atortussat deepfake-pornografiskiusut ilanngullugit, pinerluutinngortissavaa.

Inatsisissatut siunnersuummut nalinginnaasumik oqaaseqaatini imm. 2.6,2-mi takuneqarsinnaasutut, inuk assilineqarsimasoq atortussat sananeqarnissaannut akuersissuteqarsimappat, sanasimanerup aalajangersagassatut siunnersuutigineqartumi ilaatinneqannginnissaa, iliuuseqartup »pisinnaatitaanani« atortussanik sanasimanissaanik piumasaqaatip kinguneraa.

Inuit 15-it inorlugit ukiullit atortussanik kinguaassiuutitigut erseqqissumik takutitsisunik imaluunniit ukkatarinnittunik sananissamut atuuttumik akuersissuteqarsinnaanngitsut, tassunga atatillugu naatsorsuutigineqarpoq. Atortussanik kinguaassiuutitigut erseqqissumik takutitsisunik imaluunniit ukkatarinnittunik pineqartunik akuersissuteqartoqarsimappat akuersissut taamaalilluni pingaaruteqanngilaq aamma, aalajangersakkamut (§ 1, nr. 11-imut) immikkut ittumik oqaaseqaatit malillugit akuersissuteqarneq inummit 15-it inorlugit ukiulimmit tunniunneqarpat, akuersissuteqarneq atuutinngitsutut isigisariaqarpoq.

Inuit 15-it inorlugit ukiullit atortussanik kinguaassiuutitigut erseqqissumik takutitsisunik imaluunniit ukkatarinnittunik uukapaatisissutaasunik sananissamut atuuttumik akuersissuteqarsinnaannginnerannut naatsorsuutiginninneq, pinerluttulerinermi inatsimmi § 79 eqqarsaatigalugu isigineqassaaq. Ataqateqarneq § 77, imm. 2-mi ilaatinneqanngippat, aalajangersagaq malillugu inuk meeqqanik kinguaassiuutitigut atassuteqartoq, ataqateqartoq imaluunniit kinguaassiuutitigut allatut meeqqamik 15-it inorlugit ukiulimmik atassuteqartoq, iliuuseqartup meeqqap ukiui nalunngikkunigit imaluunniit tassunga tunngatillugu mianersuaalliorsimaguni, eqqartuunneqassaaq. Pinerluttulerinermi inatsisip taamaalilluni meeqqamik 15-it inorlugit ukiulimmik kinguaassiuutitigut atassuteqarneq pinerluutinngortippaa.

§ 95 a, imm. 2-mi aalajangersagassatut siunnersuutigineqartoq, aamma taamaammat inuit 15-it inorlugit ukiullit atortussanik kinguaassiuutinik erseqqissumik takutitsisunik imaluunniit ukkatarinnittunik uukapaatitsissutiliarineqarsimasunik sananissamut atuuttumik akuersissuteqarsinnaannginnerannik piumasagaat, meeqqanut kinguaassiuutitigut atassuteqarneq pillugu pinerluttulerinermi inatsimmi § 79-imi nalinginnaasumik aalajangersakkami ukiutigut angusassaq killissarititaasoq assigisariaqaraa, Inatsiseqarnermut ministereqarfiup nalilerpaa.

Pisuni, taakkunani inuk 15-it aamma 17-it akornanni ukiulik atortussanik uukapaatitsissutiliarineqartunik sananissamut akuersissuteqarsimannginneranni, tamanna »pisinnaatitaanani« sananerussaaq aamma tamatuma malitsigisaanik § 95 a, imm. 2-tut aalajangersagassatut siunnersuutigineqartumi ilaatinneqassalluni.

Tamanna tunngavigalugu oqaa

Tamanna tunngavigalugu oqaaseqaatit allanngortitsinissamut pissutissaqartitsinngitsut, Inatsiseqarnermut ministereqarfik isumaqarpoq.

2.2.3. Pissutsit sukannernerulersitsisut

Pissutsinik sukannernerulersitsisunik eqquassinissamik siunnersuutip, ullumikkumut naleqqiullugu eqqartuussaasup sivisunerusumik parnaarussivimmiinnissaanik kinguneqarsinnaanera, aamma pillaatissiinerit nutaat eqqartuussutigineqartillugit, inuit ilaasa suli iperagaasimannginnerat pissutigalugu, amerlassutsit ukiut ingerlaneranni amerliartussasut, **Inuit Pisinnaatitaaffii Pillugit Siunnersuisoqatigiit (IPPS-ip)** maluginiarpaa. inissinneqarsimasut amerlassusaat amerliartortillugit, parnaarussivinni inissinneqarsimasut akornanni “parnaarussivimmi kulturit” aalajangersimasut pilersinnaasut, tamannalu assersuutigalugu inunnut, meeqqanik atornerluisimasunut, inissinneqaatiminnit “pillarneqartunut” aamma taamaalillutik marloriaammik pillarneqartunut, tunngatillugu ilisimaneqarpoq. Inuit, meeqqanik innarliisimasut, inissinneqarsimasunit allanit immikkoortinneqartariaqarnerat, taamaalilluni tikkuarneqarpoq.

§ 123 a, nr. 1-miit 15 ilanngullugu aalajangersagassatut siunnersuutigineqartumi pissutsit, pineqaatissiinermik sukannernerusumik eqqartuussisoqarnissaanik pissutissaqartitsisut taagorneqarmata, Inatsiseqarnermut ministereqarfiup ilisimatitsissutigisinnaavaa.

Pineqaatissiinerit toqqarneqartarnerat aamma uuttortarneqartarnerat pillugit kapitali 24-imi aalajangersakkap ilanngunneqarnissaa siunnersuutigineqarpoq. Pinerluttulerinermi inatsimmi kapitali 43 eqqartuussutit naammassineqartarnerannut aalajangersakkanik imaqarpoq, matumani pillaatisiamik atuinissamut toqqaaneq pillugu.

§ 196, imm. 1-imi takuneqarsinnaasutut, pineqaatissiineq parnaarussivimmi inissiinertalik, sulisaatsimi tamanna ajornanngippat, eqqartuussaasup angerlarsimaffiata eqqaani naammassineqassaaq. Sullissivik sorleq eqqartuussaasup pillaatisiaminik atuiffigissaneraa pillugu aalajangiinermi, aammattaaq eqqartuussaasup nammineq kissaatai, ingammik suliffissat-, ilinniarfissat-, ilaqttat- imaluunniit peqqissutsimut tunngasut pissutsit uani pineqarput.

Qanittumiinnissamik tunngavimmik taaneqartartoq pisuni arlalinni avaqqunneqarsinnaavoq. Taamaalilluni aalajangersakkami imm. 1-imi oqaaseqatigiit siulliit avaqqunneqarsinnaasut, 1) qaqutigorluinnaq pisumik § 197, imm. 2-mut taarsiullugu inissiineq taamaattoq pissappat, 2) pineqartoq pinerluttuliornermik, inuiaqatigiit naleqartitaannut pingaarutilinnut sammitinneqarsimappat, aamma inatsisini aalajangikkanik atortitsiniaanermut eqqarsaatigisassat eqqartuussaasup angerlarsimaffiani inissiinissaq akerlerippassuk, 3) eqqartuussaasup kingullermik sullissivimmi angerlarsimaffimmi eqqaani pillaatisiaminik atuinermi nutaamik pinerluttuliorsimanermik imaluunniit sullissiviup malittarisassanik ingasattumik unioqqutitsisutut pisuutitaasimappat, 4) eqqartuussaasooq perorsaanikkut, nakorsaanikkut imaluunniit allatut ikiorniarneqassappat, 5) sullissivimmi inissinneqarsimasup qanigisaata suliffiani inissinneqartup pillaatisiaminik atuinissaa pinngitsoortinniarlugu, 6) pisuni sullissivimmi sulisumut, imaluunniit taassuma qanigisaanut inississinneqarsimasup pinerluttuliorsimanera pissutigalugu, eqqartuussaasup sullissivimmi pillaatisiaminik atuinissaa pinngitsoortinniarlugu, 7) eqqartuunneqarsimasup innarlerneqarnissamut illersorniarlugu tamanna pisariaqartinneqartutut isigineqarpat, imaluunniit 8) Kalaallit Nunaanni Parnaarussiveqarfiit ataanni sullissivinni inissat ataatsimut atorluarneqarnissaannut tamanna pisariaqartilerpagu, § 196, imm. 2-p malitsigaa.

Parnaarussivimmi inissinneqarnissamik eqqartuussutit naammassineqartarnerat pillugu aalajangersakkat pineqartillugit,

pineqaatissiinerit sukannernerulersitsisut pillugit aalajangersagassatut siunnersuummi allanngortitsinissaq siunertarineqanngilaq.

Tamanna tunngavigalugu oqaaseqaatit allanngortitsinissamut pissutissaqartitsinngitsut, Inatsiseqarnermut ministereqarfik isumaqarpoq.

3. Inatsisissatut missingiummut naleqqiullugu inatsisissatut siunnersuut

Inatsisissatut siunnersuummut missiniummut, tamanut tusarniutigineqarsimasumut naleqqiullugu, oqaatsitigut, aaqqissuussinikkut aamma inatsisilerinikkut pitsaassutsinik isumannaarinninnertut pissusilinnik allanngortitsinernik suliaqartoqarpoq. Kalaallit Nunaanni Pinerluttunik Isumaginnittoqarfiup aqqata Kalaallit Nunaanni Parnaarussiveqarfinnut, qallunaatut Grønlands Fængsler-imut, allanngortinneqarnerata malitsigisaanik, ingammik Kalaallit Nunaanni pinerluttulerinermi inatsimmi aamma Kalaallit Nunaanni eqqartuussisarnermik inatsimmi oqaatsitigut allannguutit kingunerisaannik allanngortitsisoqarpoq. Ullumikkumut naleqquttunik oqaatsitigut killiliussamik pilersitsiniarluni taaguutip “inissiisarfik”-up qimanneqarnissaa aamma siunissami taaguutip “parnaarussivik”-up atorineqarnissaanik, Naalakkersuisut kissaateqarsimanerannik allanngortitsinerit aammattaaq pissuteqarput. Inatsisissatut siunnersuummut missingiummi, tamanut tusarniutigineqarsimasumi, allanngortitsinerit pingaarnersiorlugit allaaserineqarput, kisianni immikkut ittumik allaaserineqarsimanatik.

Tamanna tunngavigalugu inatsisissatut siunnersuummut allanngortitsinerit arlallit suliarineqarput, taakkuli kisianni imaanut tunngasumik allanngortitsinertut pissuseqanngillat.